

四庫全書

子部

欽定四庫全書

子部

蘇沈良方卷

五至

詳校官太醫院恩糧臣孔毓秀

編修臣倉聖脈覆勘

總校官進士臣程嘉謨

校對官編修臣許兆椿

謄錄監生臣馮克釐

欽定四庫全書

蘇沈良方卷五

宋 蘇軾沈括 撰

桂香散

治脾胃虛弱并婦人脾血久冷

高良薑

剉炒香熟

草薢

甘草

白朮

縮砂肉

厚朴

去蘊皮剉各一兩

青橘皮

去瓢炒黃

訶子肉

各半

肉

桂

一分

生薑

切

棗肉

各一兩用水一碗

二味同厚朴一處煮令乾同杵為團

焙乾

用

右同為末每服二錢入鹽少許沸湯點空心服此藥偏療腹痛天台呂使君自來有腹痛疾發即悶絕連日不差有一道士點此散飲之一服遂定自後每發即飲數服痛如失去予得之累與人服莫不神驗治冷瀉尤妙腹痛最難得藥此方只是溫脾藥耳特工止痛理不可知

引氣丹

理一切滯氣

硃砂

研

安息香

研

麝香

研一分各

白芥子

三百六十

粒炒

大戟末

一錢匕

牛黃

半錢研入

牽牛末

一錢匕

五

靈脂

研入

乳香

研入

沒藥

研入各一錢

斑猫

二十七箇去翅頭足

研入

巴豆

二十七粒研出油不出油助使快

右件都研令勻用紅米飯為丸如麻子臨時湯下

之太醫潘環帶囊中常貯此藥倉猝疾多用之

沈麝丸

治一切氣痛不可忍

沒藥

辰砂

血竭

麝香

沈香

各一兩

木香

半兩

右皆生用銀磁器熬生甘草膏丸皂莢子大薑鹽湯嚼下血氣醋湯嚼下松滋令萬君擬寶此藥婦人血痛不可忍者只一丸萬君神秘之每有人病止肯與半丸徃徃亦差

蒙石丸

治諸痰

硃砂

一兩米醋
三升化

巴豆霜

二兩半
以上先煮

青礞石

半兩
研

三稜

一兩醋浸一宿
煨以上次煮

大黃

一兩半分三分
煨炒又次煎

木

香櫟榔

肉苳菹

猪牙皂角

去皮炒
一云炙

肉桂

乾薑炮

丁香

蓬莪朮

各一兩

芫花

醋浸一宿
炒微有烟

青橘皮

白苳菹

墨燒

八分過
各半兩

胡椒

粉霜

研

各一分

麯二兩酒半助
化又次煎

以硃砂醋合巴豆煮兩食久投礞石三稜又投酒

麯又投大黃相去皆半食久乃入衆藥熬圓菜豆

大每服三五圓酒飲雜下凡癥積飲食所傷氣凝穀
食不化皆能愈

褐丸

消食化氣止泄瀉腹中諸冷疾

烏頭

炮去皮

桂

香附子

微炒

乾薑

炮

陳橘皮

微炒

右先用川巴豆取肉麻油內慢火煎自旦及午候
巴豆如皂子色即止淨拭冷水中浸兩日日再換
水又拭乾研如油極細須研一日方可用以鐵匙

刮起薄攤新瓦上如一重紙厚候一伏時以鐵匙刮下再研極細每巴豆霜一兩即諸藥各五兩為細末水調成膏與巴豆同研千萬匝再用絹羅過更研令勻用陳米一升半為細末水調成膏直候微酸臭即煮為硬糊細研令無塊硬處乃與衆藥為丸如菴豆大每服五七丸隨湯使下此只是食藥然食藥方至多無如此方者能和脾消氣進食止瀉去積凡食物壅隘服之即消腹中不平脾胃

諸疾服之莫不康泰蘇州有人賣一朱砂丸食藥
無所不治其效如神以此致巨富服其藥者徧天
下人無有得其真方者後有親人竊得乃與此一
同但加朱砂為衣耳人家宜常合長少皆可服

神聖香薷散

治胃氣虛霍亂吐瀉轉筋腹痛

原注出吳
統五臟論

香薷穗

經霜者
一兩半

新厚朴

取心

川黃連

各二
兩

白扁

豆

一兩
焙

右先用薑汁四兩一處杵黃連厚朴二味令細炒
成黑色入香薷扁豆二味都為末每服五錢水一
盞酒一盞共煎至一盞入磁瓶內蠟紙封沈入井
底候極冷一併服二服至死者亦活京師有人賣
此藥一服三百錢

治腹中氣塊方

大黃 華撥

等分
生用

右蜜丸梧子大麝香水下二三十九空心服日三

服貴州守李承議得嵐瘴夫婦兒女數人相繼而死有二子歸嶺北皆病腹中有塊如瓜瘦若欲死陳應之與此方服及三十服氣塊皆消應之云此寒熱相雜所當以寒熱二物攻之

梔子湯

治胸痺切痛

梔子

二兩

附子

一兩
炮

右每服三錢水一大盞薤白三寸同煎至五分溫

服泗州有人病歲餘百方不效服此二服頓愈

蘇合香丸

治肺痿客忤鬼氣傳屍伏連殭殍等疾又治心痛霍亂吐痢及諸瘡瘀血月閉疰癖丁腫驚癇邪氣狐媚瘴癘等疾

蘇合香 白朮 硃砂 沉香 訶子肉 丁香

木香 香附子 白檀香 乳香 華撥 烏犀屑

安息香

各一兩

麝香

龍腦

各半兩

右為末煉蜜丸如鷄頭實大每服一九溫酒嚙下
人參湯亦得此方人家皆有恐未知其神驗耳本
出廣濟方謂之白朮丸後人編入外臺千金等方
真宗朝嘗出蘇合香酒賜近臣又賜蘇合香丸自
此方盛行于世此藥大能安氣血卻外邪凡疾自
內作不曉其名者服此徃徃得效惟治氣症氣厥
氣逆氣不和吐痢滯衛阻塞尤有神功予所親見
者嘗有淮南監司官謝執方因嘔血甚久遂奄奄

而絕計無所出惟研蘇合香丸灌之盡半兩遂蘇
又有一船工病傷寒日久而死但心尚暖不忍棄
而不救試與蘇合香丸灌之四丸乃省遂瘥又友
人為兩浙提點刑獄嘗病大瀉目視天地皆轉諸
藥不效服蘇合香兩丸頓覺輕爽腹瀉亦止予目
覩救人于將絕者不可勝計人家不可無此藥以
備急難瘟疫時服之尤驗倉猝求人參不得只白
湯亦佳勿用酒古方雖云用酒下多不效切宜記

之東陽劉使君少時嘗病瘵日漸羸削至于骨立
肌熱盜汗不止人有勸服此藥凡八九兩即瘥一
方有牛黃半兩古方無之乃後人加也

明月丹

治諸癆

兔屎

四十
九枚

硃砂

如兔屎相類大
者四十
九枚

右用生蜜為丸以生甘草半兩碎浸一夜取汁五
更初下七丸勿令病人知之藥下後頻看若有蟲

急打殺以桑火油煎使焦棄惡水中三日不下更服須月三日以後望前服之忌見喪服色衣婦人猫犬之類後服治癆補氣藥取瘥威愍孫元規藏此方數能活人江陰萬融病癆四體如焚垂困一夜夢神腹擁一月大如盤明爛不可正視逼人心骨皆寒已而悸寤俄有人扣關乃威愍使人遺之藥服之遂瘥問其名則明月丹也始悟向之所夢大抵此藥最治熱癆又云傷寒煩燥骨熱皆治

火角法

治久冷痰咳嗽及癆嗽服藥無效者

雄黃

通明不夾石者一兩

雌黃

不夾石者半兩二味同研極細

蠟

三兩

右先鎔蠟令冷下藥末攪勻候凝刮下用紙三五

段每段闊五寸長一尺鎔藥蠟塗其一面令厚以

竹箭卷成筒子令有藥在裏幹令相著乃拔去箭

臨臥熨斗內盛火燃筒子一頭令有烟乃就筒子

長引氣吸取烟陳米飲送下又吸每三吸為一節

當大咳咯出冷涎即以衣覆臥良久汗出若病三
五年者二三吸即瘥十年以上瘦甚咳聲不絕胸
中常有冷痰服藥寒溫補瀉俱無效者日一為之
不過五七日良愈先君病痰嗽胸中常如冰雪三
年而伯父繼感嗽又六年羸瘵殆困百方治之皆
莫愈用此二三為之皆瘥

九寶散

治積年肺氣

大腹

皮并

肉桂

甘草

炙

乾紫蘇

杏仁

去皮
炙

桑白皮

各一
兩

麻黃

去
根

陳橘皮

炒

乾薄荷

各二
兩

右搗為麤末每服十錢匕用水一大盞童子小便

半盞烏梅兩箇薑錢五片同煎至一中盞濾去滓

食後臨臥服兩浙張大夫病喘二十年每至秋冬

輒劇不可坐百方不差後得臨平僧法本方服之

遂瘥法本凡病喘三十年服此藥半年乃愈永不

復發凡復此藥須久乃效

何首烏散

治脚氣流注頭目昏重肢節痛手足冷重熱拘攣浮腫

麻痺目生黑花

何首烏

水浸一日切厚半寸黑豆水拌勻令濕何首烏重重相間蒸豆爛去豆陰乾

仙

靈脾葉

牛膝

以上各酒浸一宿

烏頭

水浸七日入鹽二兩半炒黃色以

上各

半觔

右每服二錢酒下或粥飲調下日三服空心食前

久患者半月效先君同官王綽有女子病足攣痛

二歲得此方半月愈予老姨亦病手足骨髓中痛
不能堪久治不瘥亦得此愈

經效阿膠方

治嗽并嗽血唾血

阿膠

剉碎
微炒

卷柏

去塵
土

生乾地黃

乾山藥

大

薊

獨根者更
佳曰影乾

五味子

淨
一兩
各

柏子

別
研

茯苓

百部

遠志

去心
各五錢

右擇好藥材依方修製擣羅為末煉蜜丸如彈子

大不拘時候用濃煎小麥并麥門冬湯嚼下半丸
加至一丸若覺氣虛空心不用服

灸咳逆法

予族中有病霍亂吐痢垂困忽發咳逆半日之間遂至
危殆一客云有灸咳逆法凡傷寒久疾得咳逆皆為惡
候投藥皆不效者灸之必愈予遂令灸之火至肌咳逆
已定元豐中予為鄜延經畧使有幕官張平序傷寒已
困一日官屬會飲通判延州陳平裕忽言張平序已屬

續求往見之予問何遽至此云咳逆甚氣已不屬予忽
記灸法試令灸之未食頃平裕復來喜笑曰一灸遂瘥
其法乳下一指許正與乳相直骨間陷中婦人即屈乳
頭度之乳頭齊處是穴艾炷如小荳許灸三壯男灸左
女灸右只一處火到肌即瘥若不瘥則多不救矣

羌活散

止咳逆

案三因方有
丁香一兩

羌活

附子

炮

茴香

微炒
各半兩

木香

乾薑

炮去
土

各一

右每服二錢水一盞鹽一捻同煎一二十沸帶熱

服一服止

治肺喘方

蒲頽葉

微似棠葉尤柔厚背白似熟羊皮經冬不凋花正如丁香蒂極細如絲倒懸之風吹則搖

搖然冬末生花至春乃殷實一如山茱萸味酸可啖與麥齊熟其木甚大吳人名半含江南名棠京師名

紙錢毬裏漢

名黃婆娑

右一物為末每服二錢或溫水調下發時服有患

喘三十年者服之皆愈疾甚者服後胃上生小癭
瘕痒者其疾即瘥一方用人參等分

硃砂膏

鎮心安神解熱及損嗽血等疾

硃砂

別細研

生犀

玳瑁

真珠末

蘇合香

用油
和藥

亦可

銖艷粉

各一兩

牛黃

麝香

生腦子

硃砂

琥珀

別研

羚羊角

安息香

酒蒸去
入藥

砂石別研
各半兩

金末

一分用
箔子研

新羅人參

甘草

微炒
各一兩

遠志

去心

茯苓

各半兩 參以
下四味同搗

右都為細末拌和煉蜜破蘇合油劑諸藥為小錠
子更以金箔裏之磁器內密封每用一臯子大食
後含丸衛尉葉丞得效并阿膠丸相雜服此藥治
血安神更勝至寶丹

藥珠丹

鎮心空膈去八邪氣及婦人血攻寒熱等疾但驚憂成
病皆主之

辰砂

一兩一分鳳尾草一握水研汁煮砂一食久水洗乾研

桃仁

四十枚生

牛黃

一分

附子

一分半紙裏煨

安息香

一分蜜一分酒少許煮成膏

麝香

二錢

阿魏

薄切微焙

木香

各半兩

右丸如豆大五七至十圓婦人桃仁醋湯下丈夫

桃仁鹽湯下侍郎簡之妻因悲憂病腹中有兩塊

皆如拳每相衝擊則悶絕堅不可破臥歲餘服此

藥兩塊皆失所在

至寶丹

本池州醫鄭感慶歷中為予處此方以其屢效遂編入
靈苑

生烏犀 生玳瑁 琥珀 硃砂 雄黃 牛

各一兩

黃 龍腦 麝香 安息香

各一分
一兩半酒浸重陽
焚令化濾去滓約

取一兩淨 金箔 五十片

右丸如阜子大人參湯下一丸小兒量減舊說主
疾甚多此丸專療心熱血凝心膽虛弱喜驚多涎
眠中驚魘小兒驚熱女子憂勞血滯血厥產後心

虛怔忡尤效血病生薑小便化下

蘇沈良方卷五

欽定四庫全書

蘇沈良方卷六

宋 蘇軾沈括 撰

四神散

治血氣心腹痛

當歸

芍藥

川芎

各一兩

乾薑

半兩炮

右每服二錢煖酒調下予每作以療婦人氣痛常
以服瘥

千緡湯

急下涎

齊州半夏

七枚炮裂
四破之

皂角

去皮炙
一寸半

甘草

一寸

生

薑

兩指
大

右同以水一椀煮去半頓服沈待制興宗常病痰喘不能卧人扶而坐數日矣客有見之者曰我曾如此得藥一服瘥我以千緡酬之謂之千緡湯可試為之興宗得湯一啜而愈

白雪丸

治痰壅胃膈嘈逆及頭目昏眩困倦脹痛

天南星

炮

烏頭

炮去皮

白附子

生

半夏

洗各二兩

滑石

研

石膏

研

龍腦

研

麝香

研一分各

右麪和為丸極稀為妙如萊豆大每服三十九薑

蠟茶或薄荷茶下予每遇頭目眩困精神慳冒胃

中痰逆憤憤如中酒則服此藥良久間如牽去重

裘豁然清爽頓覺夷暢食後服為佳

龍膽丸

解暴熱化涎涼膈清頭目

草龍膽

白礬

燒沸定各四兩

天南星

半夏

各二兩半以水浸切

作片用漿水雪水鍾半同煮三五沸焙乾取各秤二兩

右為末麪糊為丸極稀為妙如桐子大每服三十

丸蠟茶清下食後臨卧服應痰壅膈熱頭目昏重

服之頓清嶺南瘴毒纔覺意思昏悶速服便解咽

喉腫痛口舌生瘡凡上壅熱涎諸證悉可服小兒

尤良

治內障眼 本草云熟乾地黃麥門冬車前子相得治
久患內障眼有效屢試之信然其法細擣羅蜜丸如桐
子大每服溫酒熟水任下然三藥皆潤難擣旋焙旋擣
和合異常甘香真奇藥也

還睛神明酒

黃連

五兩

石決明

草決明

硝石

生薑

石膏

麴仁

秦皮

山茱萸

當歸

黃芩

沙參

朴硝

甘草

炙

芍藥

澤瀉

桂心

薺子

車

前子

淡竹葉

柏子仁

防風

川烏頭

辛夷

人參

川芎

白芷

瞿麥

桃仁

去皮尖
雙仁

細

辛

地膚子

已上各
三兩

龍腦

三錢

丁香

半兩

真珠

二生

十五
顆

右咬咀練囊盛用好酒五斗甕中浸之春秋十四
日夏七日冬二十一日食後服半合勿使醉吐稍
稍增之百日後明目如舊忌熱麪酢葵穢臭五辛

及猪魚雞馬驢肉生冷粘滑入房恚怒大勞大憂
愁大寒熱悉慎之惟不療枯睛損者破但白睛不
枯損服此藥更生瞳子平復如故出五符漢司空
倉元明兩目盲經十五年兩瞳子俱損翳出如雲
赤白膚肉如乳頭服此酒未滿百日兩目還得清
淨夜任針勝如未患時十倍晉大夫于公失明經
十二餘年不辨明夜兩目俱損無瞳子身年七十
服此酒一百日萬病除兩目明見物益明予表親

有病目者服此酒十餘日翳皆消盡

治諸目疾

用盛熱湯酒器銅器尤佳以手掬熨眼眼緊閉勿開亦勿以手揉眼但掬湯冷即已若有疾一日可三四為之無疾日一兩次沃令眼明此法最治赤目及臉皆痒予自十八歲因書小字病目楚痛凡三十年用此法遂永瘥樞密邵興宗苦目昏用此法踰年後遂能燈下觀細字大率血得溫則榮釋

目全要血養若衝風冒冷歸即沃之極有益于目

點眼熊膽膏

古銅錢

二十一
枚完用

菊花

四兩

黃連

鬱金

黃蘗

各二

兩 以上菊花搗碎黃連以下三物細剉用水二升銀石器中慢火熬至一升新布濾去滓入後藥

鉛丹

玄精石

井泉石

龍骨

不灰木

蕪荑

去皮

麝仁

去殼

代赭石

各半兩

滑石

烏賊魚骨

去堅

處 各一兩 以上細研成膏粉入蜜六兩并前藥汁和勻銀器中重湯煮六時辰再以新綿絞濾去滓

入後藥

硼砂

麒麟竭

沒藥

青鹽

銅青

各半兩

川牙硝

一兩

乳香

一分

麝香

生龍腦

各一錢

水

銀粉

二錢

熊膽

半兩

雄雀粉

七粒

礪砂

一錢半

右竝細研羅過再研如麪入前藥內再用重湯煮如稀錫如要為丸即便熬可丸即丸如梧桐子大每用一丸水化竝以銅筋點兩眥此本舒州甘露山儼長老方治目疾殊聖久患瘀肉瞼爛諸疾點此無不差者暴赤目風痒只點三兩次即差有人瘀肉滿眼用此亦消盡清明如未病時熬藥須用

銀器皆須上品藥洗濯揀擇極細方有效

籛實散

治眼

籛麻子以柳木製礮子磨之馬尾篩取黃肉其烏
殼棄不用每十兩可得四兩精肉非柳木礮不能
去殼礮為末取豬肝薄切裹藥中令相著用緩
火炙肝熟為末臨卧陳米飲調下二錢一法煎礮
酸醋為丸每服二十九一法取籛實內囊蒸一次

暴乾為末或散或蜜丸溫水下予親家女子兒童
時病翳一目中五翳病十五年治之莫愈醫者皆
以為不可療之疾試用炙肝散十許日一翳消踰
月消盡

治眼齒 前日與歐陽叔弼晁無咎張文潛同在戒壇
余病目昏數以熱水洗之文潛曰忌點洗目有病當存
之齒有病當勞之不可同也治目當如治民治齒當如
治軍治民當如曹參之治齊治軍當如商鞅之治秦頗

有理故追錄之

狸鳩丸

治內障青盲翳暈及時暫昏暗一切眼疾

花鳩

一隻去毛腸
嘴足炙熟

羊肝

一具
炒

細辛

防風

肉

桂黃連

牡蠣

甘菊花

白蒺藜

各五兩

白茯苓

芩瞿麥

各四兩

羌活

三兩

蔓菁子

二升蒸
三炊

麤仁

羊升

決明

二合

右煉蜜丸如桐子大每服二十至三十九空心日

午臨卧茶酒下半月見效忌房事五辛豬雞魚蒜
楚醫陳中立雙盲數年服此視物依舊

偏頭痛方

裕陵傳王荊公偏頭痛方云是禁中秘方用生菜
蔬汁一蜺殼仰卧注鼻中左痛注右右痛注左或
兩鼻皆注亦可數十年患皆一注而愈荊公與僕
言已愈數人

硫黃丸

治頭痛

硫黃

二兩
細研

硝石

一兩

右水凡指頭大空心蠟茶嚼下予中表兄病頭風
二十餘年每發頭痛如破數日不食百方不能療
醫田滋見之曰老母病此數十年得一藥遂效就
求得之十九日服一九十餘日後滋復來云頭痛
平日食何物即發答云最苦飲酒食魚滋取魚酒
令恣食云服此藥十枚豈復有頭痛耶如其言食

之竟不發自此遂瘥予與滋相識數歲臨別以此方見遺陳州懷醫有此藥丸如梧桐子大每服十五丸暑暍憎冒者冰冷水服下咽即豁然清爽傷冷以沸艾湯下

葫蘆巴散

治氣攻頭痛

葫蘆巴

微炒

三稜

剉醋浸一宿炒乾

各一兩

乾薑

炮一分

右為末每服二錢溫生薑湯或酒調下凡氣攻頭

痛一服即瘥萬法不愈頭痛如破者服之即愈尤利婦人姻家有病瘥差後頭痛號呼十餘日百方不效用一服如失小小頭痛更捷

治鼻衄

取河陽石炭心如無只用光明者為末新水下立止又法鼻左衄用絲塞右耳右衄塞左耳神應余亦曾用之

刺薊散

治鼻衄

大薊根

一兩

相思子

半兩

右每服十錢水一盞煎至七分去滓放冷服王朝散女子大衄一日已昏不識人舉家發哭用藥皆無效有人傳此方一服止

治鼻衄不可止欲絕者

用茅花無即以根代每服一大把剉水兩椀煎濃汁一椀分二服林次中御史在楚中嘗訪一故人

久之不出或問之云子婦衄血垂盡方救視未及
延客坐中一客云適有藥急令掇茅花一大把煎
濃汁一椀帶囊中取一小紅丸二粒茅花煎湯吞
下一服即瘥而不言其方後有人聞之曰此止是
茅花之功耳試復問之其人大笑曰誠如此紅丸
乃含香硃砂丸恐不信茅花之功以此為記耳予
在鄜延一將官卒病衄甚困以此療之即瘥又徐
德沾教衄者急灸項後髮際兩筋間宛穴中三壯

立定蓋血自此入腦注鼻中常人以線勒頸後尚
可止衄此灸決效無疑

又方用青蒿納鼻中即止

又方治鼻衄久不止昏暈

欖櫚皮

不以多
少燒灰

右隨鼻左右搗之

綠雲膏

治口瘡

黃蘗

半兩

螺子黛

二錢

右同研如碧玉色臨卧置舌根下一字嚥津無妨
遲明差凡口瘡不可失睡一夜失睡口瘡頓增

灸牙疼法

隨左右所患眉尖微近後骨縫中小舉臂取之當
骨解陷中灸五壯予目覩灸數人皆愈灸畢項大
痛良久乃定永不發予親病齒百方治之皆不驗
用此法灸遂瘥

服松脂法

松脂以真定者為良細布袋盛清水百沸湯煮浮水面者以新竹罩籬掠取投新水中久煮不出者皆棄不用入生白茯苓末不製但削去皮檣羅細末耳拌勻每日早取三錢匕著口中用少熱水攪漱仍以指如常法熱揩齒畢更以熱水嚥之仍以漱吐如常法能牢牙駐顏烏髭也

水氣腫滿法

張微之屢驗

聖濟總錄名
商陸莖湯

生商陸

切作麻豆

赤小荳

如商陸之多

鯽魚

三枚去腸存鱗

右二物實魚腹中取盈線縛之水三升緩煮赤荳爛取去魚只取二物空腹食之以魚汁送下不汗利即差甚者二日再為之不過三劑微之家乳姥病水飲一劑愈

逐氣散

博濟治氣

白商陸根

去粗皮薄切陰乾或晒乾

右為末黃頰魚三尾大蒜三瓣菹豈一合水一升
同煮以豈爛為度先食豈飲汁送下又以汁下藥
末二錢水化為氣內消省郎王申病水氣四體悉
滿不能坐卧夜倚壁而立服一劑即愈

二薑散

治小腸氣

高良薑

乾薑

等分炮入分
留二分椎

右一大錢用續隨子去皮細研紙裏出油取白霜

入一字將熱酒一盞入豬膽汁十數滴同調下一服瘥

川棟散

治小腸氣下元閉塞不通

川棟子

一兩和皮破為四片

巴莖

一兩并殼槌令碎

右用帶殼巴莖一兩槌令碎同和勻入銚內炒令

紫色取出去巴莖只取川棟子淨刷去末每服一

錢先炒茴香秤一錢令香用酒一盞沖更煎三五

沸去滓調川楝子末連進一服得下泄立瘥此方
同治遠年裏外疝瘡方于建安軍中人吳美得之
倉卒散

治小腸氣

山梔子

四十九枚
燒半過

附子

一枚
炮

右每服二錢酒一盞煎至八分入鹽一捻溫服脾
腎氣掣急極痛不可屈伸腹中冷重如石痛不可
忍自汗如瀉手足冰冷久不差卧欲死者服此藥

一劑甚者兩服瘥余自得效亦屢以治人皆驗

斷弓弦散

治小腸氣

五靈脂

蒲黃

等分

右二物先用醞醋一合熬藥成膏以水一小盞煎至六七分熱呷此又名失笑散療婦人血氣尤驗曾有婦人病心腹痛欲死十餘日百藥不驗服此亦愈

治小便數方 并治渴

取純糯米糍一手大臨卧炙令軟熟啖之以溫酒
送下不飲酒人溫湯下多啖彌佳行坐良久待心
間空便睡一夜十餘行者當夜便止予嘗以為戲
術與人賭物用之如有神聖或言假火氣溫水送
不然也大都糯稻工縮水凡人夜飲酒者是夜輒
不尿此糯米之力也又記一事予故人劉正夫罷
官閩州次建溪叩一大家求舍閉門不納既而使

人謝云其父有甚病不能延客劉問其狀曰疾渴
殆死矣劉許為其營藥俄而其子弟羣至求治其
父劉即燒藥與之明日來謝云飲藥一杯是夜啜
水減七八分此劉君目擊者其方用糯稻稈斬去
穗及根取其中心淨器中燒作灰每用一合許湯
一碗沃浸良久澄去滓嘗其味如薄灰汁乘渴頓
飲之此亦糯米縮水之一驗也故因附此

又方

治小便不通

琥珀研成粉每服二錢煎萱草根濃汁調下空心服予友人曾小腸閉甚成淋每旋只一二滴痛楚至甚用惡藥逐之皆不通王郇公與此藥一服遂通人有病痔腸腫因不能尿候如淋疾他藥不能通惟此法可治

茯苓散

治夢中遺洩

堅白茯苓為末每服五錢溫水調下空心食前臨
卧服一日四五服方書言夢洩皆云腎虛但補腎
澁精然亦未嘗有驗予論之此疾有三證一者至
虛腎不能攝精心不能攝念或夢而洩或不夢而
洩此候皆重須大服補藥然人病此者甚少其餘
皆只是心虛或心熱因心有所感故夢而洩此候
差輕人之患者多是此候但服茯苓散自差予累
以拯人皆良驗又有少年氣盛或鰥夫道人極制

情欲因念而洩此為無病醫及攝生家多言夢寐甚于房勞此殆不然予嘗驗之人之病天行未復而犯房勞者多死至于夢寐則未嘗致困此決然可知但夢寐自有輕重耳

香薑散

治久患脾泄

生薑

兩四

黃連

兩一

右剉如荳大慢火一處炒令薑乾脆深赤去薑取

黃連為細末每服二錢空腹蠟茶清下不過二服
即愈

暴下方

歐陽文忠公嘗得暴下國醫不能愈夫人云市人
有此藥三文一貼甚效公云吾輩臟腑與市人不
同不可服夫人使以國醫藥雜進之一服而愈公
召賣者厚遺之求其方久之乃肯傳但用車前子
一味為末米飲下二錢匕云此藥利水道而不動

氣水道利則清濁分穀臟自止矣

治瀉痢方

肉苳菟剉作甕子入通明乳香少許復以末塞之不盡即用麪和少許裹苳菟煨熟焦黃為度三物皆研末仍以茶末對烹之

四神散

治痢

乾薑

黃連

當歸

黃柏

皆炒
各等分

右為末烏梅一箇煎湯調下二大錢水瀉等分赤痢加黃蘗白痢加薑後重腸痛加黃連腹中痛加當歸並空心食前服予家常作此藥夏月最獲用大凡瀉痢宜食酸苦忌甘鹹蓋酸收苦堅甘緩鹹濡不可不知也

芍藥散

治痢

茱萸

炒半兩

黃連

炒

赤芍藥

各一兩

右三味水煎服

陳應之療痢血方

丞相曾魯公痢血百餘日國醫無能療者應之取
鹽水梅除核研一枚合蠟茶加醋湯沃服之一啜
而瘥又丞相莊肅梁公亦痢血應之曰此投水穀
當用三物散亦數服而愈三物散用胡黃連烏梅
肉竈下土等分為末蠟茶清調下食前空腹溫服
樗根散

治水瀉裏急後重

檮根皮

一兩

枳殼

半兩

甘草

一錢

右粥飲下二錢食前一服止

健脾散

治胃虛洩瀉老人臟洩尤效

烏頭

炮三分

厚朴

薑汁炙

甘草

炙

乾薑

炮各一分

右服一錢水三合生薑三片煎至二合熱服并二

服止予家嘗貯此藥治脾泄極驗

憲宗賜馬總治瀉痢腹痛方

生薑和皮切碎如粟米用一大盞并草茶相對煎
服元祐二年歐陽文忠公得此疾百藥不效予傳
此方而愈

治腸痔下血如注久不差者

用市河中水每遇更衣罷便冷沃之久沃為佳久
患者皆瘥予始得于信州侯使君曰沃之兩次即
瘥予用之亦再沃而瘥并與數人用皆然神奇可

驚不類他藥無河水井水亦可

療寸白蟲

錫沙

作銀泥者即以黃丹代油和桐子大

蕪荑

檳榔

二物等分為散

右煎石榴根濃汁半升下散三錢九五枚中夜服

旦日下予少時病白蟲始則逾粳米數歲之後遂

長寸餘古說蟲長盈尺人即死以藥攻之下蟲數

合或如帶長尺餘蟠延如豬臟熠熠而動其末寸

斷輒為一蟲去病少已後數月復如初如是者數

回後得此方服之蟲悉化為水自此永斷

蘇沈良方卷六

欽定四庫全書

蘇沈良方卷七

宋 蘇軾沈括 撰

小還丹

治背疽癰瘡一切膿腫

膩粉

水銀

硫黃

同研
各一分

大巴荳肉

四十箇

右將巴荳單覆排銚底以三物按上巴荳令平以
瓷蓋蓋之四面濕紙封慎勿令氣洩炭火四兩緩

緩燒時于水中蘸銚底少時又燒頻蘸為善其盞
上底內滴水一點如大荳乾則復滴以三滴乾為
度候冷研陳米飲九作二十三丸熱水吞下疏下
惡物以白粥補之吳中往往用此活人曾無失者
柞葉湯

治發疽

柞木葉

乾

荷葉

乾

四兩

各

萱草根

乾

甘草節

生

地榆

各一兩

右細剉每服半兩水二椀煎去半分二服早晚各
一服二服滓併煎作一服有膿血在內自大腸下
未成者自消忌一切毒物有瘡者貼後藥

通明牛皮膠

水半升
熱令化

黃丹

入膠中黃三五
沸各一兩

右放溫冷以鷄羽傅瘡口瘡即斂未成瘡者塗腫
處即內消丞相王荊公疽發背醫攻之皆不效漸
覺昏懵不省人事上元縣朝奉郎梁彥章有藥自
言其效如神荊公服之利下惡物一升許遂瘥乃

以方獻丞相予從丞相得之此藥常人服之並不
疏轉但逐膿血耳

療腫毒癰疽未潰令消已潰令速愈

草烏頭屑水調鷄羽掃腫上有瘡先以膏藥貼定
無令藥著瘡人有病瘡腫甚者塗之坐中便見皮
皺稍稍而消初塗病人覺冷如水瘡乃不痛

白膏

登州孫醫方善消腫及墜擊所傷

柳白皮

半兩洗
陰乾

白蠟

四錢

黃丹

二錢

胡粉

當歸

根

各三兩

油

四兩熱三
兩八錢

治癰疽方

右先熟油入柳皮候變色去滓入諸藥數攪良久下

忍冬嫩苗

一握

甘草

半兩
生用

右忍冬爛研同甘草入酒一觔半砂瓶中塞口煮

兩食頃溫服予在江西有醫僧鑒清善治發背疽

得其方用老翁鬚余頗神秘之後十年過金陵聞

醫王琪亦善治瘍其方用水楊藤求得觀之乃老
翁鬚也又數年友人王子淵自言得神方嘗活數
人方用大薜荔又過歷陽杜醫者治瘍嘗以二萬
錢活一人用千金藤過宣州寧國尉王子駁傳一
方用金銀花海州士人劉純臣傳一方用金釵股
此數君皆自神其術求其草視之蓋一物也余以
本草攷之乃忍冬也古人但為補藥未嘗治疽其
用甘草煮飲之法製方皆同若倉卒求不獲只用

乾葉為散每服三方寸甘草方寸酒煮服之亦可
然不及生者佳忍冬葉尖莖圓生莖葉皆有毛田
野籬落處處有之兩葉對生春夏新葉梢尖而色
嫩綠柔薄秋即堅厚色深而圓得霜則葉卷而色
紫經冬不彫四月開花極芬芳可愛似茉莉瑞香
初色白數日變黃每黃白相間故一名金銀花花
開曳蕊數莖如絲故一名老翁鬚一名金釵股冬
間葉圓厚似薜荔故一名大薜荔可移根庭檻間

以脩急

治癰疽瘍久不合方

僕嘗讀本草露蜂房蛇蛻皮亂髮各燒灰每味取
一錢七酒調服治瘡久不合神驗僕屢試之燒灰
畧存性

雲母膏

雲母

光明者薄
揭先煮

硝石

研

甘草

各四兩

槐枝

柏

葉

近道者
不堪

柳枝

桑白皮

各二兩

陳橘皮

一兩

桔

梗 防風 桂心 蒼朮 菖蒲 黃芩 高良薑

柴胡 厚朴 人參 芍藥 胡椒子 龍腦

白芷 白芨 白斂 黃芪 芎藭 茯苓 夜合

花 附子 炮 各半兩
已上 咬阻決煎 松脂 當歸 木香

麒麟竭 沒藥 麝香 乳香 各半兩
已上 為末 黃丹 十

兩 鹽花 五錢 水銀 二兩

右先煉油令香下雲母良久投附子已上藥候焦黃住火令冷以絛瀝去滓始下末皆須緩火常以

柳木篦攪勿令手濾畢再入鍋中進火下鹽花至
黃丹急攪須臾色變稍益火煎之膏色凝黑少取
滴水上凝結不粘手即下火先炙一磁器令熱傾
藥在內候如人體溫以絹袋子盛水銀手彈在膏
上如針頭大以蠟紙封合勿令風乾可三二十年
不損發背先以敗蒲一觔水三升煮三五沸候如
人體溫將洗瘡帛拭乾貼藥又以藥一兩分三服
取溫酒下未成膿者即差更不作瘡療癰骨疽毒

穿至骨者用藥一兩分三服溫酒下甚者即下惡
物兼外貼腸癰以藥半兩分五服甘草湯下未成
膿者當時消已有膿者隨藥下膿膿出後每日酒
下五丸桐子大膿止即住服風眼貼兩太陽腎癰
并傷折痛不可忍者酒下半兩老少更以意加減
五日一服取盡外貼包裹當時止痛箭頭在肉者
外貼每日食少爛菜豆箭頭自出虎豹所傷先以
甘草湯洗後貼每日一換不過三貼蛇狗傷生油

下十九桐子大仍外貼難產三日不生者溫酒下
一分便下血暈欲死以薑汁和小便半升溫酒下
十九桐子大死者復生胎死在腹以榆白湯下半
兩便生小腸氣茴香湯下一分每日一服血氣當
歸酒下一分每日一服中毒溫酒洗汗襪汁每日
一服吐瀉出惡物為度一切癰疽瘡癰蟲虺所傷
並外貼忌羊肉

國史補言有白岑者療發背甚驗為淮南節度使

高適脅取其方然不甚效岑後至九江為虎食驛

吏于囊中得其真方太原王昇之寫以傳布後魯

國孔南得岑方為王傳號靈方今具于後

案原方傳寫缺

呂君子西華洛陽人孤貧無家著作即韋顥與其

先有舊以其子妻之應秀才五舉不第與同志張

元伯入王屋山時莫知者俄西華疽發背膿血被

身筋骨俱見告元伯曰吾將死矣幸扶至水傍俟

天命而已元伯無可奈何因從其言露卧數宿忽

有一胡僧振錫而至視其瘡曰膜尚完可治也乃
出合中藥塗于軟帛上貼四五日生肌八九日肉
乃平飲膳如故僧云吾將去他時慮發此疾無藥
療因示其方約令秘之西華頓首曰微吾師遺骸
丘畝矣雖力未能報願少伸區區可遽言別乎僧
曰始以君病而來今愈吾去矣安用報為乃去數
步之間不復見西華歸以事白韋韋因請其方西
華不與韋知其終不可得乃白于攷功裴輝卿員

外請以名第啗而取之裴如其言西華對曰愚修
文以求名不沽方以求進竟下第而返後河南尹
聞之謂韋曰有一計取之韋曰何計曰陷于法禁
免其罪而購之逾月果罹其罪獄成引決親喻之
令出其所秘方可以免雪西華守死無求免之色
尹無奈何乃釋之西華知失攷功之旨又見薄于
外舅雖苦日甚而文趣轉疎如是經五稔見黜于
春官乃罷去薄遊梁宋間值姨弟李潛尉封丘淹

延半歲以酒食過量疽復發既篤欲以前方療之
懼人知之憂疑阻喪久不能決潛知意乃喻之曰
聞兄神授名方今病亟矣奈何懼潛見方之故忍
死而不治豈保生承繼之意耶西華不得已乃口
授之潛欲審其意皆三反而復之及藥成潛親傳
之尋疾平乃遊荆蠻不知所之潛于是手疏五十
本遍遺親識以矯西華之僻前潤州金壇縣尉得
其方嘗遊西蜀活將死者五六人每欲傳其事貼

于後以家故行役未諧此意貞元十年冬十月偶
于秋浦與霍愿同詣周南宅夜話既久言及方書
遂授之于周南令志之

方曰此發背者自內而出外者也熱毒中膈上下不以
蒸背上虛處先三五日隱脉妨悶積漸成腫治出皮膚
結聚成膿也其方如後

案此節文義不甚
可解疑有錯落

白麥飯石

色黃類麥飯者尤佳炭
火燒取出醋中浸十遍

白斂末

鹿角

二三寸截之不用自脫者元帶腦骨者
炭火燒煙盡為度杵為末各等分

右並搗細末取多年米醋于鉢中煎並令魚眼沸
即下前件藥末調如稀餲以篋子塗傳腫上只當
瘡頭留一指面地勿令合以出熱氣如未膿當內
消若已作頭當撮小若日久瘡甚肌肉損爛筋骨
出露即布上塗藥貼之瘡上乾即再換但以膈中
不穴無不差瘡切忌手按宜慎之劉夢得傳信方
亦有不及如此之備

小硃散

治癰疹久不瘥每發或先心腹痛痰噦麻痺筋脉不仁

成塊赤土

有沙石者不可用

當歸

各等分

右冷酒調下二錢日三服兼用塗藥

護火草

大葉者又名景天

生薑

和皮不洗等分研

鹽

量多少

右塗摩痒處如遍身癰疹塗發甚處餘處自消

治發瘡疹不透虛伏危困者

以人牙齒三五枚炙令黃為末乳香湯調下余目見兩人用之皆一服瘥一方燒過溫酒下亦可服

訖片時瘡便透

柴胡湯

治療瘰

柴胡 荆芥穗 秦艽 知母 當歸 官桂 藿

香 甘松 敗龜 醋炙 川烏頭 地骨皮 白膠香

白芍藥 以上各半兩

京芎藭 一兩

芎根 濕秤二兩 碎剉

右藥並淨洗曝乾搗羅為末每服二錢水一盞入

薑三片大棗一箇同煎七分去滓服早午食後夜

睡各一服三服滓又煎一服忌一切魚麪等毒仍
忌房事不善忌口及諸事者服此藥無驗又用貼
瘡藥石行根不以多少為細末用蜜調如膏藥用
貼瘡口兩三日一看頻易之此二方得于華亭陶
中夫宰君中夫先得柴胡一方用之如神又于里
巷醫處得此貼藥方相須暝若神契中夫在華亭
半年之間治二十餘人皆愈此予寓秀州所目見
者

又方

取鯽魚長三寸者去腸以和皮巴豆填滿腹麻皮
纏以一束稗草燒烟盡研硬米粥九菜豆大粟飲
下一丸未利加一九以利為度每日以此為準常
令小利盡劑乃安甚者破者效尤速忌豬肉動風
物

祛風丸

治風毒瘰癧

阜英

三十枚十枚火燒過十枚塗酥
炙去皮子十枚水浸槌去滓

何首烏蒸

乾薄荷

元參

各四兩

精羊肉

半斤

右以阜英水煮肉使爛細研和藥為丸梧桐子大
每服二十九空心溫酒下薄荷湯亦可伯父吏部
病瘰癧百療不差得此乃愈梁氏老嫗頷下有瘡
如垂囊閩僧嘉履病瘰癧服之皆半月愈此皆予

目擊者

地骨散

治惡瘡

地骨皮一物先刮去浮皮別收之次取浮皮下二
白粉為細散其白粉下堅赤皮細剉與浮皮一處
為麤末麤末細散各貯之每用麤皮一合許煎濃
汁乘熱洗瘡直候藥湯冷以軟綿裹乾乃用細散
傅之每日洗貼一次以差為期梓州路轉運判官
張君曾當胸下銳骨端隱隱微痛後月餘漸有小
瘰子如豆粒久之愈大如栗遂潰膿成瘡痛楚不

可卧每夜倚物而坐至曉如此三年不瘥國醫仇
鼎沈遇明輩治之都不驗後赴梓州行次華陰道
中有舊相識華山道士武元亨來迎就客亭中見
之元亨首問胸瘡如何張答以未瘥元亨曰嘗得
一藥效驗無比久欲寄去不值便入聞當道過華
陰特來此奉候已數日今日方欲還山而公適至
殆此疾當瘥矣遂手授此方張如法用之始用藥
洗極覺暢適異常淋至夜深方用散傳瘡遂不痛

是夜得睡至曉自此每夜一次洗貼瘡不復痛矣
然尚未斂間或一夜不洗貼則復發痛自此用之
便不敢闕凡四個月瘡雖尚在而起居飲食如常
一旦瘡忽痛通夕不寢淋之亦痛不止使人視之
瘡中一肉夥如石榴子痛已漸定數日間瘡口肉
已合自此遂瘥太學博士馬君希孟之弟亦嘗患
瘡于胸腹間久不瘥瘡透腹見膜醫皆閣手得此
散用之即瘥揚州士人李君在太學手掌心生一

瘡日久掌穿透惟有筋骨謁假歸廣陵值張梓州
得方服之遂瘥此藥暫用未差切不可住要在勤
志不怠乃見奇驗小疔瘡腫疼痛只以枸杞根生
剉煎濃汁熱淋亦效

治癩方

苦胡麻

半升
別搗

天麻

二兩

乳香

三分

右荆芥蠟茶下三錢忌鹽酒房事動風物凡一百
二十日服半月後兩腰眼炙十四壯此丞相長安

公家方醫人無數若頭面四體風瘡腫痒多汁者
只七八服即瘥予親試之

治遠年裏外膿瘡不差者

檳榔 乾猪糞

燒成性各半兩

龍骨

八分

水銀粉

少許

右三物為細末入水銀粉研勻先以鹽水洗瘡熟
絹裏乾以生油調藥如膏貼瘡三日一易三五易
定瘥忌食無鱗魚鮓熱麪凡脛內外瘡世謂裏外
膿瘡最難得藥此方併前治小腸氣方本建安軍

人吳美者後美犯僞印坐死司理參軍王炳之憐其曉事常加存恤其人臨刑泣念曰生平有兩方治疾如神賞賣以自給可惜死而不傳遂以獻炳

之屢用有驗予就炳之求得之

許孫二真人方用定粉不用水銀粉

夏子益方多地骨皮一味并用地骨皮煎湯洗

火府丹

治下疳腳瘡

甘遂

肥實連珠者一兩
薄切疏布囊盛

芎藭

一塊剉
如豆

右以紙籠香爐令至密不漏烟頂留一竅懸甘遂
囊于竅間其下燒芎藭一塊令烟熏甘遂燒過更
燃一塊芎藭盡取甘遂為末三十歲以上氣盛者
滿三錢虛者平二錢半羯羊腎一對剉開勻分藥
末在內淨麻纏定炭火炙熟無令焦臨卧爛嚼溫
酒下隨人酒量能飲一斗者可飲五升以高物支
起雙腳一服即瘥

療久瘡

右用猪筒骨中隨以膩粉和為劑復納骨中泥裏
火煨香熟出先以溫鹽水浴瘡乃傳之臨安陳令
傳極妙

治瘡疥甚者

草烏頭

一兩每箇
四破之

大豆

一兩
半

右同入沙鉢煮極爛每服一片豆少許空腹下予
兄子病瘡偏體拘攣立不可卧卧不可起服此即
瘥

治陰瘡痒痛出水久不瘥

銅錢

百枚

烏梅

七枚

鹽

二錢

右水一椀半煎至一椀熱洗

又方

蠟茶

五倍子

等分

膩粉

少許

右先以漿水蔥椒煎湯洗後傅之未差再為之二

方相須用之無不即驗

治癬久患用之即瘥

決明子

不以多

右為末加少水銀粉為散先以物擦破癰上以散傳之立瘥

繫瘤法

右取稻上花蜘蛛十餘箇置桃李枝上候垂絲下取東邊者撚為線子繫定瘤子七日候換瘤子自落沈興宗待制家老姥病瘤如掌拳用此法繫之至三四瘤子遂乾一夜忽失所在天明于枕邊得

之如一乾栗

袁當時方痛落後以白花蛇頭燒灰和輕粉傳之

治甲疽弩肉裏甲膿血疼痛不瘥

膽礬燒

右先剔去肉中

繫此句下傳寫缺

傳藥瘡上縱有弩肉一

傳即乾落

續骨丸

臘月猪脂

五兩

蠟

半斤以二洗煎

鈎母

羅

自然銅

蜜

陀僧

研細各四兩

白礬

十二兩

麒麟竭

沒藥

乳香

硃砂

細研
各一兩

右新鼎中先鎔猪脂次下蠟出鼎于冷處下蜜陀
僧鉛丹自然銅緩火再煎滴入水中不散更出鼎
于冷處下諸藥用柳篦攪勻瀉入甕盆內不停住
手攪至凝丸如彈丸且用笋皮之類襯之極冷收
凡折傷用一九入少油火上化開塗傷痛處以油
單護之其甚者以燈心裹木夾之更取一九分作
小丸熱葱酒下痛即止如藥力盡再覺痛更一服

痛即止骨折者兩上便安牙疼甚者貼之即止此
方小說所載有人遇異人得之予家每合以拯人
無不應驗

神授散

治傷折內外損

川當歸

洗淨
別搗

鉛粉

洛粉最上
各半兩

硼砂

二錢

右同研勻細每服二錢濃煎蘓枋汁計調下若損在
腰以上先喫淡麪半碗然後取藥在腰以下即先

服藥後喫麪仍不住呷蘓枋汁更以糯米為粥入
沒藥三錢拌和攤在紙上或絹上封裹損處如骨
碎則更須用竹夾定外以紙或衣物包之長安石
使君一日謁尹至關關中忽有人呼其姓石顧
之稠人中不及識明日過市復聞其呼顧其人近
在馬後問何以見呼其人曰我無求于人以爾有
難特來救爾昨日何以不應石辭謝之欲下馬與
語其人止之曰市中非下馬之所褫衣領中出一

書授之曰有難則用之稠人中遂引去石歸視之
乃此方也石到京師趨朝立馬右掖門外為他馬
所踢折足墜地又為馬踏手臂折舁至家屢氣絕
急合此藥服且過半夜痛遂止後手足皆完復石
子為朝官知名關中人徃徃聞此事熙寧中府界
教保甲時四方館使劉君提舉每有墜馬或擊刺
所傷皆與藥用之即瘥好事者欲其方賂主方者
竊得止有兩物而無當歸湯悉同後予見兩浙提

點刑獄使者云親得其方于石君恐保甲主方者
隱其一味耳

筋斷須續者

旋覆根絞汁以筋相對取汁塗而封之即相續如
故蜀兒如逃走多刻筋以此續之百不失一

治骨鯁或竹木簽刺喉中不下

右臘月取鯢魚膽懸北簷下令乾有鯁即取一阜
角子再以酒一合煎化溫啜若得逆便吐骨即隨

出若未吐更飲以吐為度雖鯁在腹中日久疼痛黃瘦甚者服之皆出若卒求鯁魚不得蠹魚鰕魚鯽魚皆可然不及鯁魚膽臘月收者最佳常有邏卒食鷄鯁在腹中常楚痛但食粥每食即如錐刺如是半年支離幾死杖而後能起與此一服大吐覺有一物自口出視之乃鷄骨首銳如刺其尾為飲食所磨瑩滑如珠

治諸鯁

以木炭皮為細末研令極細如無炭皮堅炭亦可
粥飲調下二錢日四五服以鯁下為度此法人家
皆用予在漢東乃目覩其神有劉晦士人鄰家一
兒誤吞一錢以此飲之下一物如大烏梅剖之乃
炭末裹一錢也池州徐使君極寶此方數數用之
未有不效者近歲累有人言得此方之效不復悉
載

火燒瘡方

北夢瑣言記云孫光憲家人作煎餅一婢抱孩子
擁爐不覺落火之上遽以醋泥傅之至曉不痛亦
無瘢痕定知俗說亦不厭多聞

毒蛇所傷方

朝野僉載記用艾炷當嚙處灸之引去其毒氣即
瘥其餘惡蟲所螫馬汗入瘡用之亦效

蘓沈良方卷七

欽定四庫全書

蘇沈良方卷八

宋 蘇軾沈括 撰

朱貢琥珀散

治婦人血風勞

琥珀 沒藥 木香 當歸 芍藥 白芷 羌活

乾地黄 延胡索 川芎 土瓜根 丹皮

白朮 桂

各一兩

右件為末每服二錢水一盞煎至七分益酒三分
復煎少時并滓熱服重疾數服則知效

麥煎散

治少男室女骨蒸婦人血風攻注四肢心胸煩壅

鼈甲

醋炙

大黃

濕紙裹
煨熱

常山

柴胡

赤茯苓

當歸

酒浸
一宿

乾漆

白朮

生乾地黄

石膏

各一
兩

甘草

半
兩

右每服二錢小麥五十粒水一盞煎至六分食後

卧時溫服有虛汗加麻黃根一兩此黃州吳官方
療骨熱黃瘦口臭肌熱盜汗極效麥煎散甚多此
方吳君寶之如希世之至珍其效可知

白朮散

治婦人妊娠傷寒

白朮

黃芩

等分新瓦
上同炒香

右為散每服三錢水一中盞生薑三片大棗一箇
擘破同煎至七分溫服但覺頭發熱便可服三二

服即瘥惟四肢厥冷陰症者未可服此方本常州
一士賣此藥醫工皆論勸售去行醫用之如神無
人得其方予自得此治疾無有不效者仍安胎益
母子

肉桂散

治產後衆疾血氣崩暈腫滿發狂瀉痢寒熱等惟瀉而
吐者難瘥

黑豆

炒熟去
皮二兩

肉桂

當歸

酒浸

芍藥

乾薑

炮

乾地黄

甘草

蒲黃

各一兩

右溫酒調下二錢日三服疾甚者三服瘥無疾日

二服七日止

大黃散

治產後血暈及傷折內損婦人血癥血瘕

羊脛炭

燒赤酒淬
十兩

大黃

小便浸七日旦易日
足濕紙裏煨熟切焙

巴

豈肉

漿水煮黃色培
各三兩半

半兩錢

燒赤米醋淬為粉新
水揩過取細者二兩

分一

右和研一日每服半錢當歸一分便煎濃稍溫調
下產後血暈百病且當逐血者至甚乃服口噤者
幹開灌下後識人更一服累經生產有血積癥癖
塊及敗血風勞寒熱諸疾當下如爛猪肝片永無
他疾墜鱗內損當歸酒下一字有某墜下折脅當
折處陷入肌中痛不可忍服此藥如人以手自內
拓之筋骨遂平

澤蘭散

治婦人產乳百疾安胎調氣產後血暈血衄血積虛勞
無子有子即墮難產子死腹中胎衣不下血注遍身生
瘡經候不調赤白帶下乳生惡核咳嗽寒熱氣攻四肢
處女任脈不調等常服益血美飲食使人安健有子

澤蘭

嫩葉
九分

石膏

八分
研

當歸

赤芍藥

川芎

微炒

甘草

炙

白蕪荑

各七
分

生地黄

六分

肉桂

五分

厚朴

薑炙

桔梗

吳茱萸

炒

卷柏并根

防風

白茯苓

柏子仁

細辛

各四分

人參

白芷

炒

白朮

米泔浸一宿切熱炒黃色

藁本

椒紅

乾薑炒

烏頭

炮

黃芪

五味子

各三分

白薇

丹參

阿膠炒

各二分

右為細末空心熱酒調下二錢予家婦人子女羸弱多疾者服此藥悉瘥

治祿中小兒臍風撮口法每視小兒上下斷當口中心處若有白色如紅豆大此病發之候也急以指爪正當中搗之自外達內令斷微血出亦不妨又于白處兩盡

頭亦依此掐令內外斷只掐令氣脈斷不必破肉掐爪
勿令太鉅恐傷兒甚予為河北察訪使日到趙郡有老
人來獻此法云篤老惜此法將不傳願以濟人詢之趙
人云此翁生平手救千人兒矣環趙數邑人皆就此翁
治應手皆愈

黑神丸

治小兒急驚慢驚風

臍粉

一錢

墨土

白麴

蘆薈

一錢

麝香

各

龍腦 牛黃 青黛 使君子

去殼麩裏煨
熟 各五分

右麩和九梧桐子大每服半丸薄荷湯研下要痢
即服一九楚州小兒醫王鑑賣此藥致厚產鑑神
之未嘗傳人予得之乃常人家睡驚丸小不同耳
治驚風極效前後用之垂死兒一服即瘥

青金丹

治小兒諸風諸疳諸痢

青黛

三分
研

雄黃

研

胡黃連

各二分
分

硃砂

研

膩

粉

熊膽

溫水化

白附子

蘆薈

研一分

麝香

研半

分

蟾酥

水銀

各半子水

鉛霜

龍腦

各一字

右同入乳鉢內再研令勻用豬膽一箇取汁熬過浸蒸餅少許為丸黃米大曝乾一歲可服二丸量兒大小增之驚風諸癇先以一丸溫水化滴鼻中令嚏戴目者當自下癰癰亦定更用薄荷湯下諸疳粥飲下變蒸寒熱薄荷湯下諸瀉痢未飲下疳虵咬心苦棟子煎湯下鼻下赤爛口齒疳蟲口

瘡等乳汁研塗病瘡眼雀目白羊子肝一枚竹剉
開納藥肝中以麻縷纏米泔煮令熱空腹服乳母
常忌毒魚大蒜雞鴨猪肉此丸療小兒諸瘡至良
予目見小兒病瘡瘡盡但粗有氣服此或下蟲數
合無不即瘥而肥壯無疾幾能再生小兒也

桔梗散

治小兒風熱及傷寒時氣瘡疹發熱等症

桔梗

細辛

人參

白朮

括蘆根

甘草

炙

白茯苓 芎藭

右等分為末每服二錢水一盞薄荷二葉同煎七分三歲已下兒作四五服五歲已上分二服予家常作此藥凡小兒發熱不問傷寒風熱先與此散服往往輒愈無服小黑膏尤善 此桔梗散與活人書方同名惺惺散孔氏家傳云惺惺散加鈎藤蟬蛻與小兒喫甚妙理上壅風熱

小黑膏

治小兒傷寒風癰

烏頭

天南星

大者燒通赤入小瓶內濕紙密封令火滅取刮之中心存白處如阜葵子

大為度須燒數枚擇中度者可用各一枚

薄荷

元參

末五錢各

右蜜和葱白湯下豈許頻服筋緩急加乳香同葱白煎湯潤州傳醫賣此藥累千金余家小兒傷寒風發熱與二三丸令小睡及寤則已涼矣

治痘瘡欲發及已發而陷伏者皆宜速治不速毒入臟必致困宜服此

豬血

臘月取瓶盛
挂風處令乾

右取半棗大加龍腦大荳許溫酒調下潘醫加菜
荳英粉半棗塊同研病微有即消甚則瘡發亦愈
予家小女病傷寒但腹痛晝夜號呼手足厥冷形
症極惡肘瘡倒發予疑為醫以藥伏先不畜此藥
急就屠家買少生血時盛暑血至已敗惡無可奈
何多以龍腦香和灌之一服遂得少睡須臾一身
皆瘡點而安不爾幾至不救痘瘡欲無瘢頻搗去

勿令隱肌乃不成癰縱揭傷有微血但四面膏塗
無苦也瘡痂不可食雞鴨卵食即盲腫子如卵色
其應如神不可不戒也

治小兒豌豆瘡入目痛楚恐傷目

用浮萍陰乾每服一二錢隨兒大小以羊子肝半
箇入盞子內以杖子刺碎爛投水半合絞取汁調
下食後服不甚者一服瘡已傷目者十服瘡邢州
杜醫用此藥前後效者甚多

辰砂丸

治小兒驚熱多涎痰瘡久痢吐乳午後發熱驚癇等疾

辰砂

粉霜

膩粉

各一分

生龍腦

一錢

右軟糯米飯為丸菴荳大一歲一丸甘草湯下大

人七丸

治小兒走馬疳唇齒瘡爛逡巡狼狽用此即瘥

砒霜

粉霜

二物先研極細

石灰

羅過次研

右等分相合左右轉研各千下當極膩如麪每以

雞羽尖挑少許掃瘡上其瘡即乾慎勿多用恐入腹中有大毒慎之海州東海縣民家賣此藥每一日只一掃如米許大無不差者

麝香散

治小兒走馬疳牙齦腐爛惡血口臭牙齒脫落

黃連

末三錢

銅綠

麝香

各二錢

水銀

一錢煮東一枚同研

右漱口淨以藥傳瘡上蘭香葉覆之內蝕為坎者

一傳即生肉

牛黃煎

治小兒諸疳諸痢食傷氣脹體羸頭大頭髮作穗壯熱
不食多困齒爛鼻瘡等疾

大蚬蚬

一枚去皮骨腹胃炙為末無灰酒一盞豬膽一枚同煎成膏

訶子炮

使君子

胡黃連

蟬殼

不洗

墨石子

蘆薈 蘇

薑 熊膽

硃砂

夜明砂

雄黃

各一分研

木香

肉苳菹

春夏各半分秋冬各一分

牛黃

二錢

麝香

一錢

龍腦

五分

右為丸如麻子大飲下五七丸驚疳金銀薄荷湯

下肝疳腹脹桃仁茴香湯下疳蟲東引石榴苦棟
根湯下五歲以上十九此藥尤治疳痢脇熱而痢
者不可服

吳婆散

治小兒疳瀉不止日夜通數不記漸漸羸瘦衆藥不效
者

黃栢

蜜炙

黃連

微炒

桃根白皮

蕪荑

去皮各一分

木

香厚朴

薑汁炙

丁香

檳榔

各一錢

沒石子

一錢半

棟根白皮

七分

右為末每服一字三歲以上半錢五六歲一錢用
紫蘇木瓜米飲調下乳食前一日三服予家小兒
曾有患瀉百餘日瘦但有皮骨百方不瘥有監兵
鍾離君見之曰何不服吳婆散立可瘥也予因問
吳婆散何藥曰古方也人家多有之乃問求方合
與兩三服便效又一孫男亦疳瀉勢甚危困兩服
遂定若病深者服一兩日間決瘥此藥若是疳瀉

無不驗者藥性稍溫暴熱瀉者或不相當

寒水石散

治小兒之病多因驚則心氣不行鬱而生涎逆為大疾
宜服常行小腸去心熱兒自少驚亦不成疾

寒水石

滑石

水研如泔揚去粗者存細者
漚乾更研無聲各三兩

甘草

生
一兩

右量兒大小熱月冷水下寒月溫水下凡被驚及
心熱不可安卧皆與一服加龍腦更良

小硃砂丸

治小兒驚積鎮心化涎

硃砂

一分

巴豆

三十粒去皮
膜出盡油

半夏

湯洗七遍為
末炒二錢

杏仁

五枚炮
去皮尖

右麩和丸如菉豆大二歲一丸荊芥薄荷湯下三

歲二丸五歲三丸如驚伏在內即行盡仍舊藥出

如無驚藥更不下

妙香丸

治小兒虛中積潮熱寒熱心腹脹滿疼痛

辰砂

一兩研

牛黃

生龍腦

麝香

各一分

粉霜

膩粉

各一錢

金箔

十四片

蠟

二兩

巴豆

一百二十箇肥大者

右丸量虛實加減龍腦漿水下夜半後服臟虛即以龍腦米飲下每服三丸如小豈大藥勢緩即按令匾疾堅者加至十丸皆以針刺作數孔以行藥力小兒取積丸如萊菔治小兒吐逆尤效此藥最下胸中煩及虛積

治小兒臍久不乾赤腫出膿及清水

右用當歸焙乾為末研細著臍中頻用自差予家
小兒當病臍濕五十餘日貼他藥不差聖患有十
餘方試之亦不效至此方一傳而乾後因尿入瘡
復病又一貼愈

治小兒熱嗽

馬牙硝 白礬

各半
斤

黃丹

一分

右同研入合子固濟火燒令紅覆潤地一夜再研

加龍腦半錢甘草湯下一字或半錢

治小兒疳肥瘡多生頭上浸淫久不差及耳瘡等惡主

之

石菜白芷

等分

右以生甘草洗瘡傳藥一日愈

蘇沈良方卷八